



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XVIII. De exemplis sanctorum Patrum.

[urn:nbn:de:hbz:466:1-45760](#)

scias te vocatum , non ad otiamdum
vel fabulandum. Hic ergo probantur
homines, sicut aurum in fornace. Hic
nemo potest stare , nisi ex toto corde,
se voluerit propter Deum humiliare.

CAP. XVIII.

De exemplis sanctorum Patrum.

IN T V E R E sanctorum Patrum vi- *Heb. 11*
uida exépla, in quibus vera perfe-
ctio refulsit & religio, & videbis, quā
modicum sit, & pænè nihil, quod nos
agimus: Heu, quid est vita nostra, si il-
lis fuerit comparata? Sancti & amici
Christi, Domino seruierunt in fâne
& siti, in frigore & nuditate, in labore
& fatigatione, in vigiliis & ieuniis, in
orationibus & meditationibus san-
ctis, in persequitionibus & oppro-
briis multis.

2 O quām multas & graues tribula-
tiones, passi sunt Apostoli, Martyres,
Confessores, Virgines, & reliqui om-
nes, qui Christi vestigia voluerunt se-
qui. Nam animas suas in hoc mundo *Ies. 12.*
oderunt, ut in æternâ vitam eas possi-
derent. O quām strictam & abdicatam *Mat. 7.*

vitam, sancti Patres in eremo duxerunt? quām longas & graues tentationes pertulerunt? quām frequenter ab inimico vexati sunt? quām crebras & feruidas orationes Deo obtulerunt? quām rigidas abstinentias peregerunt? Quām magnum zelum & feraorem, ad spiritualem profectionem habuerunt? Quām forte bellum, aduersus edificationem vitiorum gesserunt? Quām puram & rectam intentionē ad Deum tenuerunt? Per diem laborabant, & noctibus orationi diutinæ vacabant: quamquam laborando, ab oratione mentali, minimè cessarent.

Mat. 19 3 Omne tempus vtiliter expendebant; omnis hora ad vacandum Deo breuis videbatur: & præ magna dulcedine contemplationis, etiam obliuioni tradebatur, necessitas corporalis refectionis. Omnibus diuitiis, dignitatibus, honoribus, amicis & cognatis, renuntiabant: nil de mūdo habere cupiebant, vix necessaria vitæ sumebant: corpori seruire, etiam in necessitate dolerant. Pauperes igitur erant rebus terrenis, sed diuites valdè in gratia & virtutibus. Foris egebant, sed intus gratia &

& consolatione diuina, reficiebantur.

4 Mundo erant alieni, sed Deo proximi ac familiares amici. Sibiipsis videbantur tamquam nihili, & huic mundo despecti: sed erant in oculis Dei pretiosi & dilecti. In vera humilitate stabant, in simplici obedientia vivebant, in charitate & patientia ambulabant: & ideo quotidie in spiritu proficiebant, & magnam apud Deum gratiam obtinebant. Dati sunt in exemplum omnibus religiosis: & plus prouocare nos debent ad benè proficiendum, quam tepidorum numerus ad relaxandum.

5 O quantus feruor omnium religiosorum, in principio suæ sanctæ institutionis fuit? O quanta deuotio orationis? quanta æmulatio virtutis? quam magna disciplina viguit? quanta reuerentia & obedientia, sub regula magistri, in omnibus effloruit? Testantur adhuc vestigia derelicta, quod verè viri sancti & perfecti fuerunt: qui tam strenue militantes, mundum suppeditauerunt. Iam magnus putatur, si quis transgressor non fuerit: si quis, quod accepit, cum patiētia tolerare potuerit.

B 5 6 Och

Iac. 4.

6 Och reporis & negligentiae status nostri, quod tam citò declinamus à pristino feroce; & iam tædet viuere, præ lassitudine & teperc! Utinam in te penitus non dormiret profectus virtutum, qui multa sæpius exempla vidi deuotorum.

CAP. XIX.

De exercitiis boni religiosi.

VITA boni religiosi, omnibus virtutibus pollere debet: ut sit Mat. 5. talis interius, qualis videtur hominibus exterius. Et meritò, multò plus debet esse intus, quam quod cernitur foris: quia inspecto noster est Deus, quem summoperè reuereri debemus, Psal. 33. ubicumque fuerimus, & tamquam Heb. 4. angeli in cōspectu eius mundi incedere. Omni die renouare debemus propositum nostrum, & ad feroce nos excitare: quasi hodie primum, ad conversionem venissemus, atque dicere, Psal. 15. Adiuua me Domine Deus, in bono proposito, & sancto seruitio tuo: & da mihi nunc hodie perfectè incipere, quia nihil est, quod hactenus feci.

2 Secun-